

第二二七册

明倫彙編

皇極典

帝紀部

(卷)
七一三

古今圖書集成

中華書局影印



古今圖書集成

卷一百一十五

欽定古今圖書集成明倫彙編皇極典

第七十一卷目錄

帝紀部彙考六十五

唐十九

宣宗

皇極典第七十一卷

帝紀部彙考六十五

唐十九

宣宗本紀

按唐書宣宗本紀宣宗元聖至明成武獻文睿智章仁神聰懿道大孝皇帝諱忱憲宗第十三子也母曰孝明皇太后鄭氏始封光王性嚴重寡言宮中或以爲不慧會昌六年武宗疾大漸左神策軍護軍中尉馬元贇立光王爲皇太叔二月甲子即皇帝位於柩前四月乙亥始聽政尊母爲皇太后丙子李德裕罷辛卯李讓夷爲司空五月乙巳大赦翰林學士承旨兵部侍郎白敏中同中書門下平章事辛酉封子溫爲鄆王漢雅王涇雅王滋蘂王沂慶王七月李讓夷罷八月辛未大行宮火壬申葬至道昭肅孝皇帝於端陵九月鄭肅罷兵部侍郎判度支盧商爲中書侍郎同中書門下平章事雲南蠻寇安南經略使裴元裕敗之十二月戊辰朔日有食之

大中元年正月壬子朝獻於太清宮癸丑朝享於太



廟甲寅有事於南郊大赦改元復左降官死者官爵賜文武官階勳父老昂文宣王後及二王後三恪予一子官二月癸未以旱避正殿減膳理京師囚罷太常教坊習樂損百官食出宮女五百人放五坊鷹犬停飛龍馬粟三月盧商罷刑部尚書判度支崔元式爲門下侍郎翰林學士承旨戶部侍郎韋琮爲中書侍郎同中書門下平章事閏月大復佛寺四月己酉皇太后崩五月張仲武及奚北部落戰敗之吐蕃回鶻寇河西河東節度使王宰伐之八月丙申李回罷庚子葬貞獻皇太后於光陵十二月戊午貶太子少保李德裕爲潮州司馬

二年正月甲子羣臣上尊號曰聖敬文思和武光孝皇帝大赦宗子房未仕者予一人出身賜文武官階勳爵三月封子澤爲濮王五月己未朔日有食之崔元式罷兵部侍郎判度支周墀刑部侍郎諸道鹽鐵轉運使馬植同中書門下平章事己卯皇太后崩七月己巳續圖功臣於凌煙閣十一月壬午葬懿安太皇太后於景陵貶韋琮爲太子賓客分司東都三年二月吐蕃以秦原安樂三州石門驛藏木峽制勝六盤石峽蕭七關歸於有司三月詔待制官與刑法官諫官次對馬植罷是春隕霜殺桑四月乙酉周墀罷御史大夫崔鉉爲中書侍郎兵部侍郎判戶部事魏扶同中書門下平章事癸巳幽州盧龍軍節度使張仲武卒其子直方自稱留後五月武寧軍亂逐其節度使李鄴十月辛巳京師地震是月振武及天德靈武鹽夏二州地震吐蕃以維州歸於有司十一月己卯封弟惕爲彭王十二月吐蕃以扶州歸於有

司

四年正月庚辰大赦四月壬申以雨霖詔京師開輔理囚獨度支鹽鐵戶部通負六月戊申魏扶薨戶部尚書判度支崔龜從同中書門下平章事八月幽州盧龍軍亂逐其節度使張直方衙將張允伸自稱留後十月辛未翰林學士承旨兵部侍郎令狐綯同中書門下平章事十一月党項羌寇邠寧十二月鳳翔節度使李安業河東節度使李拭爲招討党項使五年三月白敏中爲司空招討南山平夏党項行營兵馬都統四月赦平夏党項羌辛未給復靈鹽夏三州邠寧鄜坊等道三歲六月封子潤爲鄂王八月乙巳赦南山党項羌十月沙州人張義潮以瓜沙伊肅鄯甘河西蘭岷廓十一州歸於有司白敏中罷戊辰戶部侍郎判戶部魏謩同中書門下平章事十一月崔龜從罷十二月盜斫景陵門戟是歲湖南饑六年三月有彗星出於觜參七月雍王漢懿八月禮部尚書諸道鹽鐵轉運使裴休同中書門下平章事九月獠寇昌資二州十一月封弟惲爲棣王是歲淮南饑七年正月丙午朝獻於太清宮丁未朝享於太廟戊申有事於南郊大赦八年正月丙戌朔日有食之三月以旱理四九月封子洽爲懷王洎昭王汝康王九年正月甲申成德軍節度使王元逵卒其子紹鼎自稱留後閏四月辛丑禁嶺外民鬻男女者七月以旱遣使巡撫淮南減上供饋運獨通租發粟賑民丙辰崔鉉罷庚申罷淮南宣歙浙西冬至元日常貢以

代下戶租稅是月浙江東道軍亂逐其觀察使李訥十年正月丁巳御史大夫鄭朗爲工部尚書同中書門下平章事九月封子權爲衛王十月戊子裴休罷十二月壬辰戶部侍郎判戶部權慎由爲工部尚書同中書門下平章事

十一年二月辛巳魏謩罷五月客管軍亂逐其經略使王球七月庚子兵部侍郎判度支蕭鄴同中書門下平章事成德軍節度副大使王紹鼎卒其弟紹懿自稱留後八月封子權爲廣王九月乙未有彗星出於房十月壬申鄭朗罷

十二年正月戊戌戶部侍郎判度支劉瑒同中書門下平章事二月廢穆宗忌日停光陵朝拜及守陵宮人壬申崔慎由罷閏月自十月不再至於是月雨三月鹽州監軍使楊元价殺其刺史劉臬四月庚子嶺南軍亂逐其節度使楊發戊申兵部侍郎諸道鹽鐵轉運使夏侯孜同中書門下平章事五月丙寅劉瑒薨庚辰湖南軍亂逐其觀察使韓琬六月丙申江西都將毛鶴逐其觀察使鄭憲辛亥南蠻寇邊七月容州將來正反伏誅八月宣欽將康全泰逐其觀察使鄭薰淮南節度使崔鉉兼宣欽池觀察處置使以討之丁巳太原地震十月康全泰伏誅十二月毛鶴伏誅甲寅兵部侍郎判戶部蔣伸同中書門下平章事十三年正月戊午大赦獨度支戶部通負放官人八月壬辰左神策軍護軍中尉王宗實立鄆王溫爲皇太子權句當軍國政事癸巳皇帝崩於咸寧殿年五十諡曰聖武獻文孝皇帝咸通十三年加諡元聖至明成武獻文睿智章仁神聰懿道大孝皇帝

按舊唐書宣宗本紀宣宗聖武獻文孝皇帝諱忱憲宗第十三子母曰孝明皇后鄭氏元和五年六月二十二日生於大明宮長慶元年三月封光王名怡會昌六年三月一日武宗疾篤遺詔立爲皇太叔權句當軍國政事翼日柩前即帝位改今名時年二十七帝外晦而內期嚴重寡言視瞻特異幼時宮中以爲不慧十餘歲時遇重疾沈緘忽有光輝燭身蹶然而興正身拱揖對臣寮乳媼以爲心疾穆宗視之撫其背曰此吾家英物非心懣也賜以玉如意御馬金帶常夢乘龍昇天言之於鄭后乃曰此不宜人知者幸勿復言歷太和會昌朝愈事輒晦羣居游處未嘗有言文宗武宗幸十六宅宴集強誘其言以爲戲劇謂之光叔武宗氣豪尤不爲禮及監國之日哀毀滿容接待羣寮決斷庶務人方見其隱德焉四月辛未釋服尊母鄭氏曰皇太后以兵部侍郎翰林學士承旨白敏中守本官同中書門下平章事以特進守太尉門下侍郎同平章事上柱國衛國公食邑二千戶李德裕檢校太尉同平章事江陵尹荆南節度使以中散大夫大理卿馬植爲金紫光祿大夫刑部侍郎充諸道鹽鐵等使以成德軍節度使王元逵檢校太保山南西道節度使王起檢校司空魏博節度使何弘敬淮南節度使李昇並檢校司空劍南西川節度使崔郾檢校尚書右僕射同中書門下平章事並如故東都留守李石奏修奉太廟畢所迎奉太微宮神主祔廟訖東都太廟者本武后家廟神龍中宗反正廢武氏廟主立太祖已下神主祔之安祿山陷洛陽以廟爲馬廐棄其神主而協律郎嚴郢收而藏之

史思明再陷洛陽尋又散失賊平東京畱守盧正己又募得之廟已焚毀乃寄主於太微宮大曆十四年畱守路嗣恭奏重修太廟以迎神主詔百官參議紛然不定禮儀使顏真卿堅請歸祔不從會昌五年畱守李石因太微宮正殿圯墜以廢弘敬寺爲太廟迎神主祔之又下百寮議皆言惟故事無兩都俱置之禮唯禮部侍郎陳商議云周之文武有鎬洛二廟今兩都異廟可也然不宜置主於廟主宜依禮遷於廟之北墻下事未行而武宗崩宣宗即位因詔有司迎太微宮寓主祔廢寺之新廟而知禮者非之制皇長男溫可封鄆王二男涇可封雅王第三男滋可封蘄王第四男沂可封慶王五月初左右街功德使奏准今月五日赦書節文上都兩街舊畱四寺外更添置八所兩所依舊名典唐寺保壽寺六所請改舊名寶應寺改爲資聖寺青龍寺改爲護國寺菩提寺改爲保唐寺清禪寺改爲安國寺法雲尼寺改爲唐安寺崇敬尼寺改爲唐昌寺右街添置八所西明寺改爲福壽寺莊嚴寺改爲聖壽寺舊畱寺二所舊名千福寺改爲興元寺化度寺改爲崇福寺末泰寺改爲萬壽寺溫國寺改爲崇聖寺經行寺改爲龍興寺奉恩寺改爲興福寺勅旨依奏誅道士劉元靖等十二人以其說惡武宗排毀釋氏故也今月五日赦書節文吏部三銓選士祇憑資考多匪實才許觀察使刺史有奇才異政之士聞薦試用又觀察使刺史交代之時開書所交戶口如能增添至千戶即與超遷如逃亡至七百戶罷後三年內不得任便又徙流人在天德振武者管中量借糧種俾令耕田以爲業以勸南東

川節度使檢校禮部尚書盧商爲兵部侍郎同平章事六月以戶部侍郎充諸道鹽鐵轉運使馬植本官同平章事七月以兵部尚書李讓夷爲劍南東川節度使十月勅太廟祫享合以功臣配其憲宗廟以裴度杜黃裳李愬高崇文等配享以荆南節度使李德裕爲東都留守十一月有司享太廟其穆宗室文曰皇兄太常博士閔慶之奏夫禮有尊尊而不叙親親祝文稱弟未嘗請改爲嗣皇帝從之京兆府奏京師百司職田斛斛請准會昌三年例許人戶自送納京師所冀州縣無得欺隱從之以江西觀察使周墀爲義成軍節度使鄭滑觀察等使十二月刑部尚書判度支崔元式奏准七月二日勅綾紗絹等次弱正投並同禁斷不得織造臣欲與鹽鐵戶部三司同條疏先勘左藏庫令分析出次弱正投州府即牒本道官搜索狹小機杼令焚毀其已納到次弱正投具數以聞上從之

大中元年春正月戊戌朔宮苑使奏皇帝致齋行事內諸宮苑門共九十四所並令鎖閉鑰匙進內候車駕還宮則請領從之戊申皇帝有事於郊廟禮畢御丹鳳門大赦改元制條曰古者郎官出卿相治郡所以重親人之官急爲政之本自澆風久扇此道稍消頽頽清途便臻顯貴治人之術未嘗經心欲使究百姓艱危通天下利病不可得也爲政之始思厚儒風軒墀近臣蓋備顧問如其不知人疾苦何以膺朕眷求今後諫議大夫給事中中書舍人未曾任刺史縣令或在任有贓累者宰臣不得擬議守宰親人職當撫字三載考績著在格言貞元年中屢下明詔縣令

五考方得改移近者因循都不遵守諸州或得五考畿府罕及二年以此字人若爲成政道途郡吏有迎送之勞鄉里庶民無蘇息之望自今須滿三十六箇月永爲常式二月丁卯制憲宗第十七子楊封彭王第十八子惲爲棣王第五子澤爲濮王第六子潤爲鄂王勅修百福殿以檢校太尉東都留守李德裕爲太子少保分司東都以給事中鄭亞爲桂州刺史御史中丞桂管防禦觀察等使二月丁酉禮部侍郎魏扶奏臣今年所放進士三十三人其封彥卿崔彥鄭延休等三人實有詞藝爲時所稱皆以父兄見居重位不得令中選詔令翰林學士承旨戶部侍郎韋琬重考覆勅曰彥卿等所試文字並合度程可放及第有司考試祇在至公如涉請託自有朝典今後但依常例放榜不得別有奏聞帝雅好儒士留心貢舉有時微行人間採聽輿論以觀選士之得失每山池曲宴學士詩什屬和公卿出鎮亦賦詩餞行凡對臣寮肅然拱揖鮮有輕易之言大臣或獻章疏即焚香盥手而覽之當時以大中之政有貞觀之風焉又勅自今進士放榜後杏園任依舊宴集有司不得禁制武宗好巡遊故曲江亭禁人宴聚故也閏二月勅會昌季年併省寺宇雖云異方之教無損致理之源中國之人久行其道釐革過當事體未弘其靈山勝境天下州府應會昌五年四月所廢寺宇有宿舊名僧復能修創一任住持所司不得禁止四月積慶太后蕭氏崩諡曰貞獻文宗母也六月以義成軍節度使周墀爲兵部侍郎判度支冊點憂斯王子爲英武誠明可汗命鴻臚卿李業入蕃冊拜以金紫光祿大夫守

太子少保分司東都上柱國奇章郡開國公食邑二千戶牛僧孺守太子太師銀青光祿大夫行太子賓客上柱國隴西郡開國公食邑二千戶李彥佐爲太子太保並依前分司以左諫議大夫庾簡休爲虢州刺史以正議大夫行尚書考功郎中知制誥上柱國崔瑗爲中書舍人以中散大夫前朔州刺史彭陽縣開國男食邑三百戶令狐綯行尚書考功郎中知制誥秋七月制以正議大夫尚書戶部侍郎知制誥翰林學士承旨柱國賜紫金魚袋韋琬以本官同中書門下平章事以太子少保分司東都衛國公李德裕爲人所訟貶潮州司馬員外置同正員八月工部尚書中書侍郎平章事盧商出爲鄂岳觀察使神策軍奏修百福殿成名其殿曰雍和殿樓曰親親樓凡廊舍屋宇七百間以會諸王子孫九月前末寧縣尉吳汝納詣闕稱冤言弟湘會昌四年任揚州江都縣尉被節度使李紳誣奏湘賊罪宰相李德裕曲情附紳斷臣弟湘致死詔下御史臺鞠按二年春正月壬戌宰臣率文武百寮上徽號曰聖敬文思和武光孝皇帝御宣政殿受冊詔宣德音神策軍修左銀臺門樓屋宇及南面城牆至睿武樓二月制劍南西川節度光祿大夫檢校吏部尚書同平章事成都尹上柱國隴西郡開國公食邑二千戶李回責授湖南觀察使桂州刺史御史中丞鄭亞責授管防禦觀察使循州刺史前淮南觀察判官魏錡貶吉州司戶陸渾縣令元壽貶韶州司戶殿中侍御史蔡京貶澧州司馬御史臺奏據三司推勘吳湘獄謹具逐人罪狀如後揚州都虞候盧行立劉羣於會昌二

年五月十四日於阿顏家喫酒與阿顏母阿焦同坐
羣自擬收阿顏為妻妄稱監軍使處分要阿顏進奉
不得嫁人兼擅令人監守其阿焦遂與江都縣尉吳
湘密約嫁阿顏與湘劉羣與押軍牙官李克勤即時
遮欄不得乃令江都百姓論湘取受節度使李紳追
湘下獄計賊處死具獄奏聞朝廷疑其冤差御史崔
元藻往揚州按問據湘雖有取受罪不至死李德裕
黨附李紳乃貶元藻嶺南取淮南元申文案斷湘處
死今據三司使追崔元藻及淮南元推判官魏鋼并
關連人款狀淮南都虞候劉羣元推判官魏鋼典孫
貞高利錢倚黃嵩江都縣典沈頌臣宰節度押牙白
涉鎮遏使傅義左都虞候盧行立天長縣令張弘思
典張洙清陳廻右廂子巡李行璠典臣金弘舉送吳
湘妻女至澧州取受錢物人潘宰前揚府錄事參軍
李公佐元推官元壽吳琪翁恭太子少保分司李德
裕西川節度使李回桂管觀察使鄭亞等伏候勅旨
其月勅李回鄭亞元壽魏鋼已從別勅處分李紳起
此冤訴本由不真今既身歿無以加刑粗塞衆情量
行削奪宜追奪三任官告送刑部注毀其子孫稽於
經義罰不及嗣並釋放李德裕先朝委以重權不務
絕其黨庇致使冤苦直到于今職爾之由能無恨歎
昨以李威所訴已經遠貶俯全事體特為從寬宜准
去年勅令處分張弘思李公佐卑吏守官制不由己
不能守正曲附權臣各削兩任官崔元藻曾受無辜
之貶合從洗雪之條委中書門下商量處分李恪詳
驗款狀盡害最深以其多特須議減等委京兆府決
脊杖十五配流天德李克勤欲收阿顏決脊杖二十

配流硤州劉羣據其款狀合議痛刑會勅職官不欲
決脊決臂杖五十配流岳州其盧行立及諸典吏委
三司使量罪科放訖聞奏三月己酉兵部侍郎判度
支周墀本官平章事以禮部尚書監鐵轉運使馬植
本官同平章事日本國王子入朝貢方物王子善恭
帝令待詔願師言與之對手五月己未日有蝕之六
月己丑太皇太后郭氏崩諡曰懿安憲宗妃穆宗之
母也戶部侍郎兼御史大夫判度支崔龜從奏應諸
司場院官請却官本錢後或有欺隱欠負徵理須足
不得苟從恩蕩以求放免今後凡隱盜欠負請如官
典犯贓例處分從違恩赦不在免限從之七月戊午
以前山南西道節度使高元裕為吏部尚書八月戊
子朝散大夫中書舍人充翰林學士上柱國平陰縣
開國男食實封三百戶賜紫金魚袋畢誠為刑部侍郎
九月勅比有無良之人於街市投匿名文書及於
箭上或旗幡上縱為奸言以亂國法此後所由切加
捉搦如獲此色便仰焚燼不得上聞十一月兵部侍郎
判戶部事魏扶奏天下州府錢物斛斛文簿並委
錄事參軍專判仍與長史通判至交代時具數申奏
如無懸欠量與減還注擬勅路隨等所修憲宗實錄
舊本却仰施行其會昌新修者仰並進納如有抄錄
得勅到並納史館不得輒畱委州府嚴加搜捕以戶
部侍郎判度支崔龜從本官同平章事銀青光祿大
夫門下侍郎兼禮部尚書同平章事韋琮為太子詹
事分司東都
三年春正月丙寅涇原節度使康季榮奏吐蕃宰相
論恐熱以秦原安樂三州及石門等七關之兵民歸

國詔太僕卿陸航往諭旨仍令靈武節度使朱叔明
郭寧節度使張景緒各出本道兵馬應接其來以太
常卿封敕檢校兵部尚書為典尹山南西道節度
使二月乙卯勅待詔官宜令與刑法官諫官大對銀
青光祿大夫中書侍郎同平章事監修國史上柱國
汝南縣開國子食邑五百戶周墀檢校刑部尚書梓
州刺史充劍南東川節度使四月以正議大夫守中
書侍郎同平章事集賢殿大學士賜紫金魚袋馬植
為太子賓客分司東都以正議大夫守御史大夫上
柱國博陵縣開國子食邑五百戶賜紫金魚袋崔鉉
可中書侍郎平章事正議大夫行兵部侍郎判戶部
事上柱國鉅鹿縣開國男食邑五百戶賜紫金魚袋
魏扶可本官平章事五月幽州節度使檢校司徒平
章事張仲武卒三軍以其子直方知留後事六月癸
未五色雲見於京師勅先經流貶罪人不幸歿於貶
所有情非惡逆任經刑部陳牒許令歸葬絕遠之處
仍量事官給棺槨康季榮奏收復原州石門驛藏木
峽制勝六盤石峽等六關訖郭寧張君緒奏今月十
三日收復蕭關御史臺奏義成軍節度使韋讓於懷
真坊侵街造屋九間已令毀折訖勅於蕭關置武州
改長樂為威州七月三州七關軍人百姓皆河隴遺
黎數千人見于闐下上御延喜門撫慰令其解辦賜
之冠帶共賜絹十五萬疋八月鳳翔節度使李玘奏
收復秦州制曰自昔皇王之有國也曷嘗不文以守
成武以集事參諸二柄歸乎大寧朕猥荷丕圖思弘
景運憂勤庶政四載于茲每念河湟土疆綿互遐闊
自天寶末敵人乘我多難無力禦寇遂縱寇掠不遠

京邑事更十葉時近百年進士試能靡不竭其長策朝廷下議皆亦聽其直詞盡以不生邊事爲未圖且守舊地爲明理在再於是收復無由今者天地儲祥祖宗垂佑遠方輸款邊壘連降刷恥建功所謀必冠實樞衡妙算將帥雄捷副元元不爭之文絕漢武遠征之悔既脫頓空於內地斥埃全據於新封莫大之休指期而就況將士等櫛沐風雨暴露郊原披荆棘而刁斗夜嚴逐豺狼而穹廬曉破動皆如意古無與京念此誠勤宜加寵賞涇原宜賜絹六萬正靈武五萬正鳳翔邠寧各四萬正並以戶部產業物色充仍待季榮叔明李玘君緒各廻文到鎮度支差脚支送四道立功將士各具名銜聞奏當議甄酬其秦威原三州及七關側近訪聞田土肥沃水草豐美如百姓能耕墾種蒔五年內不加稅賦五年已後重定戶籍便任爲永業溫池鹽利可贍邊陲度支制置聞秦鳳翔邠寧靈武涇原守鎮將士如能於本成處耕墾管田卽度支給賜牛糧子種每年量得斛斛便充軍糧亦不限約定數三州七關鎮守官健每人給衣糧兩分一分依常年例支給一分度支給給仍二年一替換其家口委長吏切加安存官健有莊田戶籍者仰州縣放免差役秦州至隴州已來道路要置堡柵與秦州應接委李玘與劉阜卽便計度聞奏如商旅往來官健父兄子弟通傳家信關司並不得邀詰阻滯三州七關刺史關使將來訓練捍防有効能者並與趙序官爵劍南西川沿邊沒蕃州郡如力能收復本道亦宜接借三州七關創置戍卒且要務靜如蕃人求市切不得通有來投降者申取長吏處分嗚呼

七關要害三郡膏腴候館之殘趾可尋唐人之遺風尚在追懷往事良用興嗟夫取不在廣貴保其金湯得必有時詎計於遲速今則便務修築不進干戈必使足食足兵有備無患載洽亭育之道未致生靈之安中外臣寮宜體朕意九月辛亥西川節度使杜棕奏收復維州制曰朕祇荷丕業思平泰階將分邪正之源冀使中外胥悅其有常登元輔久奉武宗深苞禍心盜弄國柄雖已行譴斥之典而未塞億兆之言是議再舉朝章式遵彝憲守潮州司馬員外置同正員李德裕早藉門地叨踐清華累居將相之榮唯以姦傾爲業當會昌之際極公台之榮驛諛佞而得君遂恣橫而持政專權生事妬賢害忠動多詭異之謀潛懷僭越之志秉直者必棄向善者盡排誣良良造朋黨之名肆譏構生加諸之疊計有踰於指鹿罪實見其欺天屬者方處鈞衡會無嫌避委國史於愛壻之手寵祕文於弱子之身泊參信書亦引親昵恭惟元和寶錄乃不刊之書擅敢改張罔有畏忌奪他人之懿績爲私門之令猷又附李紳之曲情斷成吳湘之冤獄凡被贊纓之士過其取捨之途驕居自夸夜盡無對擢爾之髮數罪未窮載闔罔上之由益驗無君之意使天下之人重足而迹皆警懼奉面而慢易在心爲臣若斯於法何追於戲朕務全大體久爲含容雖黜降其官榮尚蓋藏其醜狀而睥睨未已就惕無聞積惡既彰公議難抑是宜移投荒服以謝萬邦中外臣寮當知予意可崖州司戶參軍所在馳驛發遣縱逢恩赦不在量移之限以起居郎庾道禔禮部員外郎李文儒並充翰林學士十月辛巳京師地震

河西天德靈夏九其戍卒壓死者數千人十一月東川節度使鄭涯鳳翔節度使李玘奏修文川谷路自靈泉至白雲置十一驛下詔褒美經年爲雨所壞又令封敕修斜谷舊路以刑部侍郎章有翼爲御史中丞以職方員外郎鄭處誨兼御史知雜幽州軍亂逐其酋後張直方軍人推其衙將周繼爲酋後十二月追諡順宗曰至德大聖大安孝皇帝憲宗曰昭文彰武大聖孝皇帝初以河湟收復百寮請加徽號帝曰河湟收復繼成先志朕欲追尊祖宗以昭功烈白敏中等對曰非臣愚昧所能及至是上御宣政殿行事及冊出俯僂目送流涕嗚咽崖州司戶參軍李德裕卒於貶所

四年春正月以追尊二聖御正殿大赦天下徒流比在天德者以十年爲限既遇鴻恩例減三載但使循環添換邊不闕人次第放歸人無怨苦其秦原威武諸州諸關先准格徒流人亦量與立限止於七年如要住者亦聽諸州府縣官如請工假一月已下權差諸廳判官一月已上卽准勾當例其課料等據數每貫刻二百文與見判案官添給有故意殺人者雖已傷未死已死更生意欲殺傷偶得免並同已殺人條處分二月皇女萬壽公主出降右拾遺鄭顥以顯爲銀青光祿大夫行起居郎鄜馬都尉三月己卯刑部奏監臨主守應將官物私自貸使并貸借人及以物中納官司者并專知別當主掌所由有犯賊並同犯入已賊不在原赦之限從之以幽州節度副大使檢校工部尚書張直方爲左金吾衛將軍四月勅法司用刑或持巧詐分律兩端遂成其罪既奸吏得

計則黎庶何安自今後應書罪定刑宜直指其事不得舞文妄有援引又刑部奏准今年正月一日勅節文據會昌元年三月二十六日勅竊盜賊至一貫文處死宜委所司重詳定條目奏聞臣等檢校並請准建中三年三月二十四日勅竊盜賊滿三疋已上決殺如贓數不充量請科放從之七月丙子大理卿劉漢奏古者懸法示人欲使人從善遠罪至於不犯以致刑措准太和二年十月二十六日刑部侍郎高鉞條疏准勘節目一十一件下諸州府粉壁書於錄事參軍食堂每申奏罪人須依前件節目歲月滋久文字湮淪州縣推案多違漏節目今後請下諸道令刻石置於會食之所使官吏起坐觀省記憶條目庶令案牘周詳從之八月刑部侍郎御史中丞魏謩奏諸道州府百姓詣臺訴事多差御史推劾臣恐煩勞州縣先請差度支戶部鹽鐵院官帶憲銜者推劾又各得三司使申稱院官人數不多例專掌院務課績不辦令諸道觀察使幕中判官少不下五六人請於其中帶憲銜者委令推劾如累推有勞能雪冤滯御史臺關官便令奏用從之九月以朝請大夫檢校禮部尚書孟州刺史河陽三城節度使李拭為太原尹北都留守河東節度等使幽州節度使周繼率軍人立其牙將張允伸為留後十月中書侍郎平章事魏扶罷知政事十一月己亥勅收復成維扶等三州建立已定條令制置一切合同其已配到流人宜准秦原威武等州流例七年放還以戶部侍郎判本司事令孤絢為兵部侍郎同平章事十二月以華州刺史周敬復為光祿大夫檢校左散騎常侍兼洪州刺史江

南西道團練觀察使賜金紫

五年春正月甲戌制皇第七子洽封懷王第八子淨為昭王第九子汝為康王勅兩京天下州府起大中五年正月一日已後三年內不得殺牛如郊廟享祀合用者即與諸畜代二月戶部侍郎裴休充諸道鹽鐵轉運等使四月癸卯刑部侍郎劉瑑奏據今年四月十三日已前凡三百四十四年雜制勅計六百四十六門二千一百六十五條議輕重名曰大中刑法統類欲行用之五月以太原尹河東節度使李拭為鳳翔節度使李業檢校戶部尚書太原尹北都留守充河東節度使守司空門下侍郎太原郡開國伯食邑一千戶白敏中檢校司徒同平章事邠州刺史充邠寧節度觀察東面招討克項等使以戶部侍郎判戶部事魏謩本司同平章事七月宰相監修國史崔龜從續柳芳唐曆二十二卷上之八月勅公主邑司擅行文牒恐多影庇有紊條章今後公主除錄徵封外不得令邑司行文書牒府縣如緣公事令邑司申宗正寺與酌事體施行汝州刺史張義潮遣兄義潭以瓜沙伊肅等十一州戶口來獻自河隴陷蕃百餘年至是悉復隴右故地以義潮為瓜沙伊等州節度使九月勅條疏刺史交代須一一交割公事與知州官方得離任准會昌元年勅刺史只禁科率由抑配人戶至於使州公廩及雜利潤天下州府皆有規制不敢違越緣未有明勅處分多被無良人吏致使恐嚇或致言訟起今後應刺史下擔什物及除替後資送錢物但不率斂官吏不科配百姓一任各守州縣舊例色目支給如無公廩不在資送之限若輒有率

配以入己贓論以正議大夫兵部侍郎諸道鹽鐵轉運使上柱國河東縣開國子裴休守禮部尚書進階金紫以前宣歙觀察使大中大夫檢校左散騎常侍裴諡權知兵部侍郎十月己亥京兆尹韋博奏京畿富戶為諸軍影占苟免府縣色役或有追訴軍府紛然請准會昌三年十二月勅諸軍使不得強奪百姓入軍從之十一月中書侍郎兼吏部尚書平章崔龜從檢校尚書左僕射汴州刺史充宣武軍節度使沙州置歸義軍以張義潮為節度使太子詹事姚康獻帝王政纂十卷又撰統史三百卷上自開闢下盡隋朝帝王美政詔令制置銅鹽錢穀損益用兵利害下至僧道是非無不備載編年為之國子祭酒馮審奏文宣王廟始太宗立之睿宗書額武后竊政之日改篆題大周二字請削之從之十二月盜斫景陵神門戟京兆尹韋博罰兩月俸貶宗正卿李文舉睦州刺史陵令吳閱岳州司馬奉先令裴讓隋州司馬是歲湖南大饑

六年春正月戊辰以隴州防禦使薛逵為秦州刺史天雄軍使兼秦成階兩州經略使二月右衛大將軍鄭光以賜田請免租稅宰相魏謩奏曰鄭光以國舅之親賜田可也免稅無以勸蒸民勅曰一依人戶例供稅三月隴州刺史薛逵奏修築定成關工畢四月丁酉勅常平義倉斛斛每年檢勘實水旱災處錄錄事軍先勘人戶多少支給先貧下戶富戶不在支給之限以禮部尚書諸道鹽鐵轉運等使裴休可本官同平章事五月勅天下軍府有兵馬處宜選會兵法能弓馬等人充教練使每年合教習時常令教習仍

於其時申兵部御史臺奏諸色刑獄有關連朝官者尚書省四品已上諸司三品已上官宜先奏取進止如取諸色官狀即申中書取裁從之秋七月丙辰前淮南節度使金紫光祿大夫檢校尚書左僕射兼揚州大都督府長史御史大夫上柱國贊皇郡開國公食邑一千五百戶李珣卒贈司空勅犯賊人平賊據律以當時物價上旬估請取所犯之處其月內上旬時估平之從之檢校司空太子少師上柱國范陽郡開國公食邑二千戶盧鈞可太原尹北都留守河東節度使九月勅起居郎轉官月限宜以二十箇月七年春正月壬辰金紫光祿大夫守太子少傅分司上柱國晉陵郡開國公食邑二千戶歸融卒贈右僕射宗正卿李文舉貶睦州刺史四月以御史大夫鄭期爲中書侍郎同平章事五月左衛率府倉曹張戮集律令格式條件相類一千二百五十條分一百二十一門號曰刑法統類上之七月以正議大夫尚書左丞上柱國賜紫金魚袋崔瑛爲刑部尚書以銀青光祿大夫行兵部侍郎知制誥充翰林學士蘇滌爲尚書左丞權知戶部侍郎崔瑛可權知兵部侍郎十月尚書左僕射門下侍郎平章事大清宮使弘文館大學士崔鉉進續會要四十卷修撰官楊紹復崔瑛薛逢鄭言等賜物有差

八年春正月陝州黃河清二月南蠻進犀牛詔還之三月勅以早詔使疏決繫囚宰相監修國史魏謩修成文宗實錄四十卷上之修史官給事中盧航太常少卿蔣偕司勳員外郎王渥右補闕盧吉頒賜銀器錦綵有差以山南東道節度使檢校戶部尚書襄州

刺史上柱國酒泉縣開國子食邑三百戶李景讓爲吏部尚書五月以中書舍人翰林學士韋澳爲京兆尹以戶部侍郎翰林學士承旨上柱國武功縣開國子食邑三百戶蘇滌檢校兵部尚書兼汀陵尹御史大夫充荆南節度管内觀察處置等使七月銀青光祿大夫守門下侍郎同平章事魏謩兼戶部尚書八月以司農卿鄭勛爲檢校左散騎常侍兼夏州刺史御史大夫上柱國榮陽縣開國男食邑三百戶夏綏銀宥等州節度營田觀察處置押蕃落安撫平夏党項等使

九年春正月辛巳銀青光祿大夫祕書監許昌縣開國男陳商卒贈工部尚書二月中書侍郎兼禮部尚書同平章事裴休檢校吏部尚書兼汴州刺史御史大夫充宣武軍節度使汴宋毫穎觀察處置等使三月試宏詞舉人漏泄題目爲御史臺所劾侍郎裴諒改國子祭酒郎中周敬復罰兩月俸料考試官刑部郎中唐枝出爲處州刺史監察御史馮諷罰一月俸料其登科十人並落下其吏部東銓委右丞盧懿權判以吏部侍郎鄭涯檢校禮部尚書兼定州刺史御史大夫充義武軍節度使定州觀察處置北平軍等使御史臺據正月八日禮部貢院捉到明經黃續之趙弘成全質等三人偽造堂印堂帖兼黃續之偽著緋衫將偽帖入貢院令與舉人虞蒸胡簡党質等三人及第許得錢一千六百貫文據勘黃續之等罪款具招造偽所許錢未曾入手便事敗奉勅並准法處死主司以自獲姦人並放七月以河東節度使檢校司空太原尹北都留守上柱國范陽郡開國公食邑

二千戶盧鈞守尚書右僕射八月以門下侍郎守尚書右僕射監修國史博陵縣開國伯食邑一千戶崔鉉檢校司空同平章事兼揚州大都督府長史充淮南節度副大使知節度使事宣宗宴餞賦詩以賜之九月昭義節度使檢校禮部尚書兼潞州大都督府長史御史大夫上柱國賜紫金魚袋鄭元檢校刑部尚書太原尹北都留守御史大夫充河東節度管内觀察處置等使十一月以河南尹劉瑑檢校工部尚書汴州刺史兼御史大夫充宣武軍節度使朱毫汴穎觀察處置等使以中書舍人鄭顥爲禮部侍郎

十年春正月乙巳以正議大夫華州刺史潼關防禦鎮國軍等使上柱國隴西縣開國男食邑三百戶賜紫金魚袋李納檢校左散騎常侍兼越州刺史御史大夫浙江東道都團練觀察等使三月中書門下奏據禮部貢院見置科目開元禮三禮三傳三史學苑道舉明算童子等九科近年取人頗濫會無實藝可採徒添入仕之門須議條疏俾精事業臣已於延英面論伏奉聖旨將文字來者其前件九科臣等商量望起大中十年權三年滿後至時起科試者令有司據所舉人先進名令中書舍人重覆問過如有本業稍通堪備朝廷顧問即作等第進名候勅處分如有事業荒蕪不合送名數者考官即議朝貢其童子近日諸道所薦送者多年齒已過僞稱童子考其所業又是常流起今日後望令天下州府薦送童子並須實年十一十二已下仍須精熟一經問皆全通兼自能書寫者如違制條本道長吏亦議懲法從之四月癸丑以刑部郎中盧搏爲廬州刺史以給事中渤海

郡開國公食邑二千戶高少逸檢校禮部尚書華州刺史潼關防禦鎮國軍等使六月以兵部郎中裴夷直爲蘇州刺史九月以中書舍人杜審權知禮部貢舉十月以鄧寧慶節度使檢校禮部尚書郿州刺史上柱國賜紫金魚袋畢誠爲檢校兵部尚書潯州大都督府長史御史大夫充昭義節度副大使知節度使潯州等州觀察使桂管觀察使令狐楚平贈禮部尚書

十一年春正月以銀青光祿大夫守吏部尚書上柱國酒泉縣開國男食邑三百戶李景讓爲御史大夫以朝請大夫守御史中丞兼尚書右丞上柱國賜紫金魚袋夏侯孜爲戶部侍郎判戶部事以朝散大夫守京兆尹上柱國扶風縣開國男食邑三百戶賜紫金魚袋韋澳檢校工部尚書孟州刺史御史大夫充河陽三城節度孟懷澤觀察處置等使先是車駕將幸華清宮兩省官進狀論奏詔曰朕以驪山近宮眞聖廟貌未嘗修謁自謂闕然今屬陽和氣清中外事簡聽政之暇或議一行蓋崇禮敬之心非以逸遊爲事雖申勅命兼慮勞人卿等職備禁闈志勤奉上援據前古列狀上章載陳懇到之詞深觀盡忠之節已允來請所奏以劍南西川節度副大使知節度事管內觀察處置統押近界諸蠻及西山八國雲南安撫等使特進檢校司徒同中書門下平章事兼成都尹上柱國太原郡開國公食邑二千戶白敏中以本官兼江陵尹充荆南節度管內觀察處置等使二月以夏綬銀省節度使通議大夫檢校左散騎常侍夏州刺史御史大夫上柱國榮陽縣開國男食邑三百戶

賜紫金魚袋鄭助爲校校工部尚書郿州刺史充鄆寧慶節度管內營田觀察處置兼充慶州南路救援鹽州及當道沿路鎮寨糧料等使以右金吾衛將軍田在賓檢校右散騎常侍兼夏州刺史代鄭助爲夏綬銀省節度使以荆南節度使銀青光祿大夫檢校兵部尚書兼江陵尹御史大夫上柱國武功郡開國男食邑三百戶蘇滌爲太常卿以銀青光祿大夫守門下侍郎兼戶部尚書同平章事監修國史上柱國魏謩檢校戶部尚書同平章事兼成都尹充劍南西川節度副大使知節度事以大中大夫守工部尚書上柱國賜紫金魚袋崔慎由爲中書侍郎同平章事以成德軍節度鎮冀深趙觀察處置等使起復雲麾將軍守左金吾衛大將軍同正檢校兵部尚書鎮州大都督府長史王紹鼎爲銀青光祿大夫檢校尚書右僕射餘官如故以通議大夫守中書門下侍郎兼禮部尚書同平章事集賢殿大學士上柱國賜紫金魚袋崔慎由可集賢院大學士三月起復朝請大夫深州刺史御史大夫兼成德軍節度判官王紹懿可檢校左散騎常侍鎮府左司馬知府事充成德軍節度副使兼充都知兵馬使以成德軍中軍兵馬使銀青光祿大夫檢校太子賓客兼監察御史上柱國王景引可本官深州刺史本州團練守捉使檢校左散騎常侍右神武大將軍知軍事王紹孚可落起復依前右神武大將軍紹懿紹孚鎮州王紹鼎之弟也景引紹鼎子也以朝請大夫檢校刑部尚書華州刺史上柱國鄆縣開國男食邑三百戶賜紫金魚袋蕭儼爲太子賓客分司東都四月以職方郎中知制誥裴

坦爲中書舍人以朝議大夫權知京兆尹崔郢爲漢王傳分司東都以決殺府吏也以江西觀察使洪州刺史御史中丞上柱國賜紫金魚袋張毅夫爲京兆尹以鳳翔節度使正議大夫檢校戶部尚書兼鳳翔尹上柱國襲晉國公食邑三千戶襲實封一百五十戶裴識可許州刺史充忠武軍節度陳許蔡觀察等使以吏部侍郎盧懿檢校工部尚書兼鳳翔尹御史大夫鳳翔龍右節度使以中書舍人鄭憲爲洪州刺史御史中丞江南西道都團練觀察處置等使仍賜紫金魚袋以安南宣慰使右千牛衛大將軍宋涯爲安南都護御史中丞本管經略招討處置等使以幽州節度使張允伸弟允中爲荊州刺史允千檀州刺史允辛安塞軍使允舉納降軍使並兼御史中丞以前鄆寧節度使朝議大夫檢校工部尚書郿州刺史上柱國賜紫金魚袋柳憲可檢校禮部尚書河南尹五月以職方郎中李元爲壽州刺史六月以朔方靈武定遠等城節度使朝散大夫檢校左散騎常侍靈州大都督府長史上柱國賜紫金魚袋劉潼爲鄆州刺史馳驛赴任以給邊兵糧不及時也以安南都護宋涯爲容州刺史容管經略招討處置等使制皇第三男灌封衛王第十一男濞封廣王以朝散大夫守尚書兵部侍郎判度支上柱國彭縣開國男食邑三百戶賜紫金魚袋蕭鄴本官同平章事判度支以右監門將軍知內府省事清河公崔巨諒爲淮南監軍以特進檢校司空兼太子太傅分司東都上柱國扶風郡開國公食邑二千戶杜悰本官判東都尚書省兼御史大夫充東都留守東畿汝都防禦使七月以

飛龍使宮闈局令王歸長守內侍省內常侍知省事
充內樞密使責授邠州員外司馬張直方爲右驍衛
大將軍八月成德軍節度使檢校尚書右僕射王紹
鼎卒贈司空賻布帛三百段以皇子昭王訥爲開府
儀同三司守鎮州大都督府長史成德軍節度鎮冀
深趙觀察等大使以成德軍節度副使都知兵馬使
左司馬知府事御史中丞王紹懿爲成德軍副使雷
後以義武軍節度使定觀察等使檢校禮部尚書定
州刺史上柱國榮陽縣開國男食邑三百戶鄭淮檢
校戶部尚書汴州刺史上柱國充宣武軍節度副大
使知節度事宋毫觀察亳州大官等使以四鎮北
庭行軍涇原渭武節度使銀青光祿大夫檢校右散
騎常侍涇州刺史御史大夫上柱國范陽縣開國男
食邑三百戶盧簡求可檢校工部尚書定州刺史義
武節度使易定觀察北都天平軍等使以鹽州防禦
押蕃落諸軍防秋都知兵馬使度支烏池樵稅等使
檢校右散騎常侍鹽州刺史上柱國賜紫金魚袋陸
航代簡求爲涇原節度使以翰林學士朝散大夫中
書舍人賜紫金魚袋曹確權知河南尹汝州防禦使
令孤緒有善政郡人詣闕請立德政碑頌緒以弟絢
在中書上表乞寢從之以太常卿蘇蘇爲兵部尚書
權知吏部銓事以銀青光祿大夫守散騎常侍上柱
國渤海郡開國伯食邑七百戶封敕爲太常卿是月
焚賊犯東井九月以秦州刺史李承勛爲朝散大夫
檢校工部尚書涇州刺史充四鎮北庭涇原渭武節
度等使以禮部郎中楊知溫充翰林學士以中散大
夫尚書禮部侍郎上柱國賜紫金魚袋杜審權爲陝

州大都督府長史兼御史大夫陝就都防禦觀察處
置等使以銀青光祿大夫檢校司空兼太子太師上
柱國范陽郡開國公食邑二千戶盧鈞爲檢校司空
同中書門下平章事與元尹充山南西道節度等使
右補闕陳蝦左拾遺王諸右拾遺薛廷傑上疏諫遣
中使往羅浮山迎軒轅先生詔曰朕以萬幾事繁躬
親庶務訪聞羅浮山處士軒轅集善能攝生年齡亦
壽乃遣使迎之或冀有少保理也朕每觀前史見秦
王漢武爲方士所惑常以之爲誠卿等位當論列職
在諫司閱示來章深納誠意仍謂崔慎由曰爲吾言
於諫官雖少翁樂大復生不能相感如聞軒轅生高
士欲與之一言耳宰相鄭朗累月請告三章求免是
月乙未薨出於房初度長三尺十月制通議大夫守
中書侍郎禮部尚書同平章事監修國史上柱國賜
紫金魚袋鄭朗可檢校尚書右僕射兼太子少保以
山南西道節度使中散大夫檢校禮部尚書與元尹
上柱國賜紫金魚袋蔣係權知刑部尚書宰相崔慎
由兼修國史蕭都兼集賢殿大學士以華州刺史高
少逸爲左散騎常侍以蘇州刺史裴夷直爲華州刺
史潼關防禦鎮國軍等使以太常少卿崔鈞爲蘇州
刺史入迴鶻冊禮使衛尉少卿王端章貶賀州司馬
副使國子禮記博士李潯爲郴州司馬判官河南府
士曹李寂永州司馬端章等出塞黑車子阻路而迴
故也以成德軍觀察留後御史中丞賜紫金魚袋王
紹懿檢校工部尚書兼鎮州大都督府長史御史大
夫充成德軍節度鎮冀深趙觀察等使以中書舍人
李藩權知禮部貢院十一月太子少師鄭朗卒贈司

空銀青光祿大夫檢校尚書左僕射兼太子太保充
右羽林統軍御史大夫上柱國榮陽縣開國男食邑
三百戶鄭光卒輟朝三日贈司徒仍令百官奉慰上
之元舅也宰相崔慎由爲中書侍郎兼禮部尚書尚
書蕭鄴兼工部尚書餘如故十二月以昭義軍節度
使朝議大夫檢校工部尚書上柱國平陰縣開國男
食邑三百戶畢誠爲太原尹北都留守河東節度使
朝議大夫檢校禮部尚書兼太原尹北都留守上柱
國賜紫金魚袋劉瑒爲尚書戶部侍郎判度支以翰
林學士承旨通議大夫守尚書戶部侍郎知制誥上
護軍賜紫金魚袋蔣伸爲兵部侍郎充職以金紫光
祿大夫守太子少保分司東都上柱國河東縣開國
男食邑五百戶裴休檢校戶部尚書兼潞州大都督
府長史昭義軍節度副大使知節度事路磁邢洛觀
察等使以正議大夫行尚書兵部侍郎上柱國河東
縣開國男食邑三百戶賜紫金魚袋柳仲郢本官兼
御史大夫充諸道鹽鐵轉運使以正議大夫檢校戶
部尚書兼太子賓客上柱國賜紫金魚袋孔溫業本
管分司東都以病請告故也禮部郎中楊知溫本官
知制誥充翰林學士以幽州中軍使檢校國子祭酒
幽府左司馬知府事御史中丞張簡眞檢校右散騎
常侍允伸之子也以中散大夫權知刑部尚書上柱
國賜紫金魚袋蔣係權知戶部尚書鳳翔尹御史大
夫鳳翔隴右節度觀察處置等使是歲舒州吳塘堰
有衆禽成巢闊七尺高七丈而水禽山鳥鷹隼鷺雀
之類無不馴狎又有烏人面綠毛爪喙皆紺色其聲
曰甘人呼爲甘蟲

十二年春正月以晉陽令鄭液爲通州刺史羅浮山人軒輶集至京師上召入禁中謂曰先生遐壽而長生可致乎曰微聲色去滋味哀樂如一德施周給自然與天地合德日月齊明何必別求長生也留之月餘堅求還山三月以前鄉貢進士于琮爲祕書省校書郎尋尚皇女廣德公主改銀青光祿大夫守右拾遺駙馬都尉以安南本管經略招討處置使朝散大夫檢校左散騎常侍安南都護御史大夫賜紫金魚袋李弘甫爲宗正卿以中大夫守京兆尹上柱國賜紫金魚袋張毅夫爲鄂州刺史御史大夫鄂岳斬黃中等州都團練觀察使以大中大夫福州刺史御史中丞上柱國賜紫金魚袋楊發檢校右散騎常侍廣州刺史御史大夫充嶺南東道節度觀察處置等使以朝散大夫守康王傳分司東都上柱國襲魏郡開國公食邑二千戶賜紫金魚袋王式爲安南都護兼御史中丞充安南本管經略招討處置等使以朝請大夫前守太子賓客分司東都上柱國鄧縣開國男食邑三百戶賜紫金魚袋蕭儼守太子少保分司以朝請大夫檢校左散騎常侍右金吾大將軍充右街使上柱國襲太原郡開國公食邑二千戶賜紫金魚袋王鎮爲檢校左散騎常侍使持節都督福州諸軍事兼福州刺史御史大夫充福建等州都團練觀察處置等使以翰林學士朝議郎守尚書司勳郎中知制誥賜緋魚袋孔溫裕爲中書舍人充職以右驍衛上將軍李正源守大內皇城留守以朝議大夫守尚書戶部侍郎判度支上柱國賜紫金魚袋劉瑑本官同平章事依前判度支以大中大夫守中書侍郎兼

禮部尚書同平章事監修國史上柱國賜紫金魚袋崔慎由檢校禮部尚書梓州刺史御史大夫劍南東川節度副大使知節度事代韋有翼以有翼爲吏部侍郎二月以前邕管經略招討處置使朝議郎邕州刺史御史中丞賜紫金魚袋段文楚爲昭武校尉右金吾衛將軍以朝議郎守中書舍人權知禮部貢舉上柱國賜緋魚袋李藩爲尚書戶部侍郎以朝散大夫守工部尚書同平章事充集賢殿大學士上柱國彭城縣開國男食邑三百戶賜紫金魚袋蕭鄴爲監修國史以朝議大夫守戶部侍郎同平章事判度支上柱國賜紫金魚袋劉瑑可充集賢院學士以渤海國王弟權知國務疑虔晃爲銀青光祿大夫檢校祕書監忽汗州都督開爲渤海國王以兵部侍郎柳仲郢爲刑部尚書以朝議大夫守尚書戶部侍郎判戶部事上柱國賜紫金魚袋夏侯孜爲兵部侍郎充諸道鹽鐵轉運使以朝議大夫權知刑部侍郎賜紫金魚袋杜勝爲戶部侍郎判戶部事以光祿大夫守左領軍衛大將軍分司東都上柱國會稽縣開國公食邑一千五百戶康季榮可檢校尚書右僕射兼左衛上將軍分司貶前利州刺史杜倉爲賀州司戶蔡州刺史李薏郢州司馬以工部郎中知制誥干德孫庫部郎中知制誥苗恪並可中書舍人依前翰林學士以前右金吾衛將軍鄭漢璋前鴻臚少卿鄭漢卿並起復授本官國舅光之子也以銀青光祿大夫行給事中駙馬都尉衛洙爲工部侍郎前濮王傳分司皇甫權爲康王傳分司以庫部員外郎史館修撰李渙爲長安令閏二月以司農少卿盧籍爲代州刺史前

江陵少尹杜慆爲司農少卿以河東馬步都虞候段威爲朔州刺史充天寧軍使兼興唐軍沙陁三部落防遏都知兵馬使五月以兵部侍郎鹽鐵轉運使夏侯孜本官同平章事六月南蠻攻安南府八月洪州賊毛合宣州賊康全大攻掠郡縣詔南浙兵討平之十二月太子少保魏謩卒贈司徒
十三年春正月以號陝觀察使杜審權爲戶部侍郎判戶部事三月宰相盧都罷知政事守吏部尚書四月以翰林學士承旨兵部侍郎知制誥蔣伸本官同平章事五月上不豫月餘不能視朝八月七日宣遺詔立鄆王爲皇太子勾當軍國事是日崩於大明宮聖壽五十詔門下侍郎平章事令狐綯攝冢宰羣臣上諡曰聖武獻文孝皇帝廟號宣宗十四年二月葬於貞陵

欽定古今圖書集成明倫彙編皇極典

第七十二卷目錄

帝紀部彙考六十六

唐二十

懿宗

皇極典第七十二卷

帝紀部彙考六十六

唐二十

懿宗本紀

按唐書懿宗本紀懿宗昭聖恭惠孝皇帝諱漼宣宗長子也母曰元昭皇太后竈氏始封鄆王宣宗愛夔王滋欲立爲皇太子而鄆王長故久不決大中十三年八月宣宗疾大漸以夔王屬內樞密使王歸長馬公儒宣徽南院使王居方等而左神策護軍中尉王宗實副使丁元實矯詔立鄆王爲皇太子癸巳卽皇帝位於柩前王宗實殺王歸長馬公儒王居方庚子始聽政癸卯令狐綯爲司空尊皇太后曰太皇太后九月庚申追尊母爲皇太后十月辛卯大赦賜文武官階勳爵者老粟帛十一月戊午蕭鄴罷十二月甲申翰林學士承旨兵部侍郎杜審權同中書門下平章事丁酉令狐綯罷荆南節度使白敏中爲司徒兼門下侍郎同中書門下平章事是歲雲南蠻陷播州咸通元年正月浙東人仇甫反安南經略使王式爲

浙江東道觀察使以討之二月丙申葬聖武獻文孝皇帝於貞陵五月京師地震袁王紳薨七月封叔恠爲信王八月衛王灌薨己卯仇甫伏誅九月戊申白敏中爲中書令十月安南都護李鄆克播州己亥夏侯孜罷戶部尚書判度支畢誠爲禮部尚書同中書門下平章事閏月乙亥朝獻於太清宮十一月丙子朝享於太廟丁丑有事於南郊大赦改元是月慶王沂薨十二月戊申雲南蠻寇安南癸亥福王綰爲司空

二年二月白敏中罷尚書左僕射判度支杜悰兼門下侍郎同中書門下平章事福王綰薨六月鹽州刺史王寬爲安南經略招討使八月雲南蠻寇邕州九月寇雋州

三年正月庚午羣臣上尊號曰睿文明聖孝德皇帝大赦是月蔣伸罷二月庚子杜悰爲司空是月棟王惲薨湖南觀察使蔡襲爲安南經略招討使三月戊寅歸義軍節度使張義潮克涼州七月武寧軍亂逐其節度使溫璋劍南西川節度使夏侯孜爲尚書左僕射兼門下侍郎同中書門下平章事九月嶺南西道軍亂逐其節度使蔡京十月丙申封子份爲魏王從涼王佶蜀王杜悰爲司徒十一月封叔祖緝爲斬王叔憤榮王雲南蠻寇安南丙寅降囚罪免徐州秋稅十二月翼王緝薨

四年正月戊辰朝獻於太清宮己巳朝享於太廟庚午有事於南郊大赦雲南蠻陷安南蔡襲死之庚辰撫王紘爲司空二月拜十六陵秦州經略使高駢爲安南經略招討使四月畢誠罷五月己巳翰林學士

承旨兵部侍郎楊收同中書門下平章事戊子杜審權罷閏六月杜悰罷兵部侍郎判度支曹確同中書門下平章事七月辛卯朔日有蝕之免安南戶稅丁錢二歲弛廉州珠池禁八月夔王滋薨十二月乙酉昭義軍亂殺其節度使沈詢

五年正月丙午雲南蠻寇雋州三月寇邕州四月兵部侍郎判戶部蕭寘同中書門下平章事五月丁酉遷邕雋州死事者己亥有彗星出於婁八月丁卯夏侯孜爲司空十月貢陵墜陷十一月戊戌夏侯孜罷壬寅翰林學士承旨兵部侍郎路巖同中書門下平章事

六年三月蕭寘薨四月劍南東川節度使高彥爲兵部侍郎同中書門下平章事五月高駢及雲南蠻戰於邕州敗之六月高彥薨御史大夫徐商爲兵部侍郎同中書門下平章事七月封子侃爲郢王十二月晉絳二州地震壬子太皇太后崩

七年二月戊申免河南府同華陝虢四州一歲稅湖南及桂邕客三管岳州夏秋稅之半三月成德軍節度使王紹懿卒其兄子景崇自稱留後閏月吐蕃寇邠寧五月甲辰葬孝明太皇太后於景陵之園六月魏博節度使何弘敬卒其子全皞自稱留後八月辛卯晝晦十月壬申楊收罷是月高駢克安南十一月辛亥大赦免咸通三年以前逋負賜文武官階勳爵八年正月丁未河中府晉絳二州地震五月丙辰以不豫降囚罪出宮人五百縱神策五坊飛龍鷹鶴禁延慶端午節獻女口七月雨湯於下邳王寅斬王緝薨乙巳懷州民亂逐其刺史劉仁規甲子兵部侍郎

諸道鹽鐵轉運使于琮同中書門下平章事十一月辛丑疾愈避正殿賜民年七十而痼疾及軍士戰傷者帛十二月信王恊薨

九年正月彗星出於婁胃七月武寧軍節度糧料判官龐勛反於桂州十月庚午陷宿州丁丑陷徐州觀察使崔彥會死之十一月陷濠州刺史盧望回死之右金吾衛大將軍康承訓為徐泗行營兵馬都招討使神武大將軍王晏權為北面招討使羽林將軍戴可師為南面招討使十二月龐勛陷和滁二州滁州刺史高錫望死之王申戴可師及龐勛戰於都梁山死之是月前天雄軍節度使馬舉為南面招討使泰寧軍節度使曹翔為北面招討使

十年二月殺驪州流人楊收三月徙封侃為威王四月殺鎮南軍節度使嚴譔康承訓及龐勛戰於柳子敗之六月神策軍將軍宋威為西北面招討使戊戌以蝗旱理囚癸卯徐商罷翰林學士承旨戶部侍郎劉瞻同中書門下平章事八月有彗星出於大陵九月癸酉龐勛伏誅十月戊戌免徐宿濠泗四州三歲稅役十二月壬子雲南蠻寇嘉州

十一年正月甲寅羣臣上尊號曰睿文英武明德至仁大聖廣孝皇帝大赦雲南蠻寇黎雅二州及成都二月甲申劍南西川節度副使王建立及雲南蠻戰於城北死之甲午劍南東川節度使顏慶復及雲南蠻戰於新都敗之三月曹確罷四月丙午翰林學士承旨兵部侍郎韋保衡同中書門下平章事八月殺醫待詔韓宗紹魏博軍亂殺其節度使何全皞其將韓君雄自稱留後九月丙辰劉瞻罷十二月辛亥禮

部尚書判度支王鐸同中書門下平章事十二年四月癸卯路巖罷五月庚申理四十月兵部侍郎諸道鹽鐵轉運使劉鄩為禮部尚書同中書門下平章事

十三年二月丁巳于琮罷刑部侍郎判戶部趙隱為戶部侍郎同中書門下平章事幽州盧龍軍節度使張允伸卒其子簡會自稱留後三月癸酉平州刺史張公素逐簡會自稱留後四月庚子浙江東西道地震封子保為吉王僕壽王倚睦王五月乙亥殺國子司業章殷裕十一月王鐸為司徒韋保衡為司空十四年正月沙陀寇代北三月迎佛骨於鳳翔癸巳雨土四月井州民產子二頭四手壬寅大赦六月不豫王鐸罷七月辛巳皇帝崩於咸寧殿年四十一按舊唐書懿宗本紀懿宗昭聖恭惠孝皇帝諱灌宣宗長子母曰元昭皇太后竈氏太和七年十一月十四日生於藩邸會昌六年十月封鄆王本名溫大和十三年八月七日宣遺詔立為皇太子監國改今名十三日柩前即帝位年二十七帝姿貌雄傑有異稠人藩邸時常經重疾郭淑妃侍醫藥見黃龍出入於臥內既間妃以異告帝曰慎勿復言又嘗大雪數尺而帝寢室之上獨無人皆異之宣宗制泰邊陲樂曲詞有海晏咸通之句又大中末京城小兒疊布漬水紐之向日謂之拔暈帝果以鄆王即大位以咸通為年號九月釋服追尊母后竈氏為太后諡曰元昭十月癸未制以門下侍郎守左僕射同平章事令孤絢守司空門下侍郎兵部尚書同平章事蕭鄴兼尚書右僕射中書侍郎禮部尚書平章事夏侯孜兼兵部

尚書中書侍郎平章事蔣伸兼工部尚書並依前知政事又以兵部侍郎鄭顥為河南尹以昭義軍節度潞邢磁洛觀察等使光祿大夫檢校吏部尚書兼潞州大都督府長史上柱國河東縣開國子食邑五百戶裴休為太原尹北都留守河東節度管内觀察處置等使以河中節度使檢校尚書左僕射畢誠為汴州刺史充宣武軍節度宋毫觀察等使以中書舍人裴坦權知禮部貢舉十二月以戶部侍郎翰林學士杜審權為檢校禮部尚書河中晉絳節度等使咸通元年春正月上御紫宸殿受朝對室韋使二月葬宣宗皇帝於貞陵以右拾遺劉鄩充翰林學士以河中節度使杜審權為兵部侍郎判度支尋以本官同平章事以門下侍郎守司徒同平章事令孤綯檢校司徒同平章事出鎮河中尚書左僕射諸道鹽鐵轉運使杜悰同平章事浙東觀察使王式斬草賊仇甫浙東郡邑皆平八月以河東節度使裴休為鳳翔尹鳳翔隴右節度使以鳳翔隴右節度使銀青光祿大夫檢校刑部尚書盧簡求為太原尹北都留守河東節度使十一月丙午朔丁未上有事於郊廟禮畢御丹鳳門大赦改元以中書舍人薛耽權知貢舉二年春二月吏部尚書蕭鄴檢校尚書右僕射太原尹北都留守河東節度觀察等使鄭滑節度使檢校工部尚書李福奏屬郡潁州去年夏大雨沉丘汝陰頰上等縣平地水深一丈田稼屋宇淹沒皆盡乞蠲租賦從之以中書侍郎兼工部尚書蔣伸兼刑部尚書右僕射門下侍郎杜悰為左僕射依前知政事四月以前婺州刺史裴閑為潁州刺史充本州團練鎮

過等使以駕部郎中王鐸本官知制誥八月以中書舍人衛洙爲工部侍郎尋改銀青光祿大夫檢校禮部尚書兼滑州刺史御史大夫駙馬都尉充義成軍節度鄭滑潁觀察處置等使洙奏狀稱蒙恩除授滑州刺史官號內一字與臣家諱音同雖文字有殊而聲韻難別請改授開官者勅曰嫌名不諱著在禮文成命已行固難依允以兵部侍郎曹確判度支以兵部員外郎楊知遠司勳員外郎穆仁裕試吏部宏詞選人九月以前兵部侍郎判度支畢誠爲工部尚書同平章事蔣伸罷知政事林邑蠻寇安南府遣神策將軍康承訓率禁軍及江西湖南之兵赴援

三年春正月左僕射門下侍郎平章事杜悰率百寮上徽號曰睿文明聖孝德皇帝五月勅嶺南分爲五管誠已多年居常之時同資禦捍有事之際要別改張邕州西接南蠻深據黃洞控兩江之嶺俗居數道之游民比以委人太輕軍威不振境連內地不並海南宜分嶺南爲東西道節度觀察處置等使以廣州爲嶺南東道邕州爲嶺南西道別擇良吏付以節旄其所管八州俗無耕桑地極邊遠近懼盜擾尤甚凋殘將盛藩垣宜添州縣宜割桂州管內冀州象州容州管內藤州巖州並隸嶺南西道收管宰臣杜悰兼司空畢誠兼兵部尚書駕部郎中知制誥王鐸爲中書舍人以邕管經略使鄭愚爲廣州刺史充嶺南東道節度觀察處置等使將軍宋戎爲嶺南西道節度使夏淮南河南蝗旱民饑南蠻陷交趾徵諸道兵赴嶺南詔湖南水運自湘江入零渠西造地剽粥以饋行營湘灘泝運功役艱難軍屯廣州乏食潤州人陳

礪石詣闕上書言江西湖南泝流運糧不濟軍師士卒食盡則散此宜深慮臣有奇計以饋南軍天子召見礪石因奏臣弟聽思曾任雷州刺史家人隨海船至福建往來大船一隻可致千石自福建裝船不一月至廣州得船數十艘便可致三萬石至廣府矣又引劉裕海路進軍破盧循故事執政是以礪石爲鹽鐵巡官往揚子院專督海運於是康承訓之軍皆不闕供七月徐州軍亂以浙東觀察使王式檢校工部尚書徐州刺史御史大夫武寧軍節度徐泗濠觀察等使初王智與得徐州召募兇豪之卒二千人號曰銀刀鵬旗門搶挾馬等軍番宿衛城自後凌驕節度使姑息不暇田牟鎮徐日每與驕卒雜坐酒酣撫背時把板爲之唱歌其徒日費萬計每有宴必先厭食飲酒祁寒暑雨厄酒盈前然猶誼譟邀求動謀逐帥前年壽州刺史溫璋爲節度使驕卒素知璋嚴酷深負憂疑聞懷撫諭終爲猜貳給與酒食未嘗瀝口不期月而逐璋上是以式代璋時式以忠武義成之師三千平定仇甫便詔式率二鎮之師渡淮徐卒聞之懼其勢無如之何至大彭館方來迎謁居三日犒勞兩鎮兵令還既擐甲執兵即命環驕卒殺之徐卒三千餘人是日盡誅繇是兇徒悉殄九月以戶部侍郎李晦檢校工部尚書兼興元尹山南西道節度使十一月遣將軍蔡襲率禁軍三千會諸道之師赴援安南以吏部侍郎鄭處誨蕭徹吏部員外郎楊儼戶部員外郎崔彥昭等試宏詞選人十二月以吏部侍郎蕭徹權知禮部貢舉

四年春正月甲子朔庚午上有事於圜丘禮畢御丹

鳳樓大赦中外官宜准建中元年勅授官後三日舉一人自代州牧令錄上佐官在任須終三考河東節度使檢校刑部尚書盧簡方以病求罷詔以太子少師致仕歸東都以昭義節度使檢校禮部尚書上柱國賜紫金魚袋劉潼爲太原尹北都留守御史大夫充河東節度觀察處置等使二月以左散騎常侍李荀檢校工部尚書滑州刺史義成軍節度鄭滑觀察等使三月以兵部侍郎判度支楊收本官同平章事以刑部侍郎曹汾爲河南尹以戶部侍郎李續檢校禮部尚書潞州大都督府長史充昭義節度觀察處置等使四月勅徐州罷防禦使爲文都隸兗州七月朔制安南寇陷之初流人多寄溪洞其安南將吏官健走至海門者人數不少宜令宋式李良瓌察訪人數量事救卹安南管內被蠻賊驅劫處本戶兩稅丁錢等量放二年候收復後別有指揮其安南溪洞首領素推誠節雖蠻寇竊據城壁而酋豪各守土疆如聞溪洞之間悉藉嶺北茶葉宜令諸道一任商人與販不得禁止往來廉州珠池與人共利近聞本道禁斷遂絕通商宜令本州任百姓採取不得止約其餘州銀刀官健其中先有逃竄者累降勅旨不令捕逐其今年四月十八日草賊頭首已抵極法其餘徒黨各自奔逃所在更勿捕逐是月東都許汝汝泗等州大水傷稼初大中末安南都護李琢貪暴刻虐民羣獠引林邑蠻攻安南府三年大徵兵赴援天下騷動其年冬蠻竟陷交州赴安南諸軍並令抽退分保嶺南東西道十一月長安縣尉集賢校理令狐滈爲左拾遺制出左拾遺劉蛻起居郎張雲上疏論滈父

行營湘灘泝運功役艱難軍屯廣州乏食潤州人陳

綢秉權之日廣納賂遺受李琢賄除安南致生蠻寇
瀉不宜居諫諍之列時綢在淮南上表論訴乃貶雲
興元少尹蛻華陰令瀉改詹事司直以中書舍人王
鐸權知禮部貢舉以兵部侍郎度支曹確同平章
事以中書侍郎平章事畢誠檢校吏部尚書河中尹
晉絳慈恩節度使就加幽州張允伸檢校司徒以兵
部侍郎高彥本官同平章事以戶部侍郎裴寅判本
司事

五年春正月戊午朔以用兵罷元會諫議大夫裴坦
上疏論天下徵兵財賦方匱不宜過興佛寺以困國
力優詔答之二月以兵部尚書牛勣檢校兵部尚書
兼成都尹劍南西川節度副大使知節度事徐州處
置觀察防禦使以門下侍郎兵部尚書平章事杜審
權為潤州刺史浙江西道節度使三月以兵部郎中
高湜員外于懷試吏部平判選人四月右僕射平章
事夏侯孜增爵五百戶以中書舍人王鐸為禮部侍
郎以晉州刺史孟球檢校工部尚書兼徐州刺史南
蠻寇邕管以泰州經略使高駢率禁軍五千赴邕管
會諸道之師禦之五月丁酉制朕以寡昧復承高祖
太宗之丕構六載於茲矣罔暇遊是娛罔聲色是縱
罔刑戮是濫罔邪佞是惑夙夜悚惕以憂以勤庶幾
乎八表用康兆人以泰而西戎款附北狄懷柔獨惟
南蠻姦宄不率侵陷交趾突犯朗寧爰及嶺州亦用
攘寇勞我士卒典吾甲兵騷動黎元役力飛輓每一
軫念閔然疚懷顧惟生人罹此愁苦宜布自天之澤
俾垂及物之仁如聞湖南桂州是嶺路係口諸道兵
馬綱運無不經過頓遞供承動多差配凋傷轉甚宜

有特恩潭桂兩道各賜錢三萬貫文以助軍錢亦以
充館驛息利本錢其江陵江西鄂州三道比於潭桂
徭配稍簡宜令本道觀察使詳其間劇准此例與置
本錢邕州已西黎嶺界內昨因蠻寇互有殺傷宜令
本道收拾理瘞量設祭酌徐州土風雄勁甲士精強
比以制馭乖方頻致騷擾近者再置額却領四州勞
逸既均人心甚泰但聞比因罷節之日或有被罪奔
逃雖朝廷頻下詔書並令一切不問猶恐尚懷疑懼
未委招攜結聚山林終成詿誤况邇方未靜深藉人
才宜令徐泗團練使選募官健三千人赴邕管
防戍待嶺外事寧之後即與替代歸還仍令每名滿
五百人即差軍將押送其糧料賞給所司準例處分
淮南兩浙海運寇隔船舶訪聞商徒失業頗甚所由
縱捨為弊實深亦有搬貨財委於水次無人看守多
至散亡嗟怨之聲盈於道路宜令三道據所搬米石
數牒報所在鹽鐵巡院令和雇入海船舶分付所司
通計載米數足外輒不更有隔奪妄稱貯備其小舸
短船到江口使司自有船不在更取商人舟船之限
如官吏妄行威福必議痛刑於戲萬方靡安寧忘於
罪已百姓不足敢怠於責躬用伸欽恤之懷式表憂
勤之旨壬寅制以中書侍郎平章事楊收為門下侍
郎兼刑部尚書以中書侍郎平章事曹確兼工部尚
書兵部侍郎平章事高彥為中書侍郎知政事餘並
如故秋七月壬子延資庫使夏侯孜奏鹽鐵戶部生
積欠當使咸通四年已前延資庫錢絹三百六十九
萬餘貫匹內戶部每年合送錢二十六萬四千一百
八十貫匹從大中十二年至咸通四年九月已前除

納外欠一百五十萬五千七百一十四萬貫匹當使
緣戶部積欠數多先具申奏請於諸道州府場監院
合納戶部所收八十文除陌錢內割一十五文屬當
使自收管勅命雖行送納稽緩今得戶部迭稱所收
管除陌錢絹外更有諸雜物貨延資庫徵收不便請
起今年合納延資庫錢絹一時便足其已前積欠候
物力稍充積漸填納其所割一十五文錢即當司仍
舊收管又緣累歲以來嶺南用兵多支戶部錢物當
使不欲堅論舊欠請依戶部商量合納今年一年額
色錢絹須足明年即依舊制三月九月兩限送納畢
其以前積欠仍令戶部自立填納期限者勅旨依之
十月丙辰以中書舍人李蔚權知禮部貢舉十一月
乙酉以大同軍防禦使盧簡方檢校工部尚書滄州
刺史御史大夫充義昌軍節度滄濟德觀察等使乙
未以兵部侍郎蕭實本官同中書門下平章事
六年正月癸未朔丁亥制以河東節度使檢校刑部
尚書孔溫裕為鄆州刺史天平軍節度鄆曹棣觀察
處置等使二月制以御史中丞徐商為兵部侍郎同
平章事高彥罷知政事以吏部尚書崔慎由吏部侍
郎鄭從讜吏部侍郎王鐸兵部員外郎崔瑾張彥遠
等考宏詞選人金部員外郎張又思大理少卿董廣
試拔萃選人以給事中楊嚴為工部侍郎尋召為翰
林學士四月西川節度使牛勣奏於蠻界築新城安
城遏戎州功畢時南詔蠻入寇姚州陳許大將顏復
戊嶺州新築二城其年秋六姓蠻攻遏戎州為復所
敗退去兵部侍郎平章事徐商蕭實轉中書侍郎知
政事五月以左丞相楊知溫為河南尹以神策大將

軍馬舉爲秦州經略招討使以右金吾大將軍李宴元爲夏州刺史朔方節度等使安南都護高駢奏於邕管大敗林邑蠻七月以右衛大將軍薛綰檢校工部尚書徐州刺史充徐泗團練觀察防禦等使九月以中書舍人趙鶯權知禮部貢舉以吏部侍郎蕭倣檢校禮部尚書滑州刺史御史大夫充義成軍節度鄭滑觀察等使十二月太皇太后鄭氏崩諡曰孝明是歲秋高駢自海門進軍破蠻軍收復安南府自李琢失政交趾遼沒十年蠻軍北寇邕容界人不聊生至是方復故地

七年春正月戊寅朔以太皇太后喪罷元會三月成德軍節度鎮冀深趙等州觀察處置等使金紫光祿大夫檢校司空鎮州大都督府長史御史大夫太原縣開國伯食邑七百戶襲食實封一百戶王紹懿卒贈司徒紹鼎之弟俱壽安公主之子也三軍推紹鼎子景崇知兵馬留後事就加幽州張允伸兼太保平章事進封燕國公以吏部侍郎鄭從謹檢校禮部尚書兼太原尹北都留守御史大夫上柱國榮陽縣開國男食邑三百戶充河東節度管内觀察處置等使四月壽安公主上表請入朝詔曰志與奏汝以景崇未降恩命欲來朝覲事具悉景崇素聞孝悌頗有義方治三軍愛戴之情荷千里折衝之寄續迺舊服綽有令猷朝廷獎能續有處分緣孝明太后園寢有日庶事且停候祈禱禮成當允誠請七月沙州節度使張義潮進甘峻山青骹鷹四聯延慶節馬二匹吐蕃女子二人僧曇延進大乘百法門明論等八月鎮州王景崇起復忠武將軍左金吾衛將軍同正檢校右

散騎常侍兼鎮州大都督府左司馬知府事御史中丞充成德軍節度觀察留後上柱國賜紫金魚袋中書侍郎平章事徐商兼工部尚書十月沙州張義潮奏差迴鶻首領僕固俊與吐蕃大將尚恐熱交戰大敗蕃寇斬尚恐熱傳首京師右僕射門下侍郎平章事夏侯孜檢校司空平章事兼成都尹劍南西川節度等副大使知節度事安南高駢奏蠻寇悉平十一月十日御宣政殿大赦以復安南故也以翰林學士承旨戶部侍郎路巖爲兵部侍郎同平章事義成軍節度蕭倣就加檢校兵部尚書褒能政也以禮部郎中李景溫吏部員外郎高湘試拔萃選人

八年春正月壬寅朔丁未河中晉絳地大震廬舍壓仆傷人有死者三月安南高駢奏南至邕管水路湍險巨石梗塗令工人開鑿訖漕船無滯者降詔褒之制以門下侍郎兼戶部尚書平章事上柱國晉陽縣開國男食邑三百戶賜紫金魚袋楊收檢校兵部尚書充浙江西道觀察使以浙西觀察使杜審權守尚書左僕射以兵部侍郎于棕本官同平章事九月丁酉延資庫使曹確奏戶部每年合送當使三月九月兩限絹二十一萬四千一百匹錢萬貫自大中八年已後至咸通四年積欠一百五十萬五千七百餘貫匹前使杜棕申奏起請咸通五年正月以後於諸道州府場監院合送戶部八十文除陌錢內割十五文當使收管以填積欠續據戶部牒稱州府除陌錢有折色零碎請起咸通五年所合送延資庫錢絹逐年兩限須足其餘陌十五文當司仍舊收管前使夏侯孜具事由申奏且請依戶部論請期限其咸通五年

錢絹戶部已送納自六年至八年其錢絹依前旋納又積欠三十六萬五千五百七貫匹者伏以所置延資庫初以備邊爲名至大中三年始改今號若財貨不充則名額虛設當制置之時所令三司逐年分減送當使收管元勅只有錢數但令本司減制送庫不定色目以此因循漸壞舊制年月既久積欠漸多既無計以徵收乃指色以取濟稍稱備邊名號得遵元勅指揮乃割戶部除陌八十文內十五文收管及戶部請逐年送庫須且稟從今既積欠又多終慮不及期限臣今酌量諸道州府場監院合送戶部錢絹內分配令勒留下合送延資庫數目令本處別爲綱運與戶部綱同送上都直納延資庫則戶部免有逋懸不至累年積欠從之十月丙寅兵部侍郎判度支崔彥昭奏當司應收管江淮諸道州府咸通八年已前兩稅權酒及支米價并二十文除陌諸色屬省錢準舊例逐年商人投狀便換自南蠻用兵已來置供軍使當司在諸州府場監錢猶有商人便換齋省司便換文牒至本州府請領皆被諸州府稱准供軍使指揮占留以此商人疑惑乃致當司支用不充乞下諸道州府場監院依限送納及給還商人不得託稱占留者勅旨從之宰相門下侍郎戶部尚書曹確兼吏部尚書門下侍郎禮部尚書路巖兼戶部尚書中書侍郎工部尚書徐商兼刑部尚書兵部侍郎平章事于棕爲中書侍郎以中書舍人劉允章權知禮部貢舉以吏部侍郎盧匡吏部侍郎李蔚兵部員外郎薛崇司勳員外郎崔殷夢考吏部宏詞選人九年春正月丙申以吏部侍郎李蔚檢校刑部尚書